

PAPUR I'R PWYLLGOR CRAFFU AR WAITH Y PRIF WEINIDOG AR Y BERTHYNAS RHWNG LLYWODRAETH CYMRU A'R SECTOR PREIFAT

Cyflwyniad

1. Diben y papur hwn yw cyflwyno tystiolaeth ysgrifenedig i'r Pwyllgor Craffu ar Waith y Prif Weinidog am y berthynas rhwng Llywodraeth Cymru a'r sector preifat.
2. Mae Gweinidogion Cymru wedi ymrwmo i gydnabod a gwerthfawrogi'r sector preifat a busnes, i ymgynghori â nhw a cheisio sefydlu partneriaeth gyda'r partneriaid cymdeithasol (sefydliadau cynrychioli busnes, TUC Cymru a sefydliadau eraill) er budd economi a chymdeithas Cymru. Drwy weithio mewn partneriaeth gyda'r partneriaid cymdeithasol, mae Gweinidogion Cymru'n cydnabod bod busnes yn hanfodol i lwyddiant economi Cymru a sefydlogrwydd a chadernid ein cymdeithas.
3. Mae Llywodraeth Cymru'n ariannu Uned Partneriaid Cymdeithasol Cymru i hwyluso ymgysylltu a chydweithio effeithiol gyda'n partneriaid cymdeithasol.

Cyngor Adnewyddu'r Economi

4. Un o ofynion statudol Deddf Llywodraeth Leol 1998, fel y'i diwygiwyd yn 2006, yw fod Llywodraeth Cymru'n ymgynghori â busnesau pan fydd arfer swyddogaethau'r Llywodraeth yn effeithio arnynt. Hefyd, yn unol â'r Ddeddf, mae'n ofynnol i Weinidogion Cymru wneud cynllun busnes yn nodi sut y maent am ymgynghori â busnesau.
5. Yn unol â Chynllun Busnes Gweinidogion Cymru, sefydlwyd Cyngor Adnewyddu'r Economi (a alwyd gynt yn 'Cyngor Partneriaeth Busnes') yn 2002. Mae'r Cyngor yn cwrdd dair gwaith y flwyddyn. Caiff ei gadeirio gan y Prif Weinidog a daw'r aelodau o sefydliadau cynrychioli busnes, mentrau cymdeithasol ac undebau llafur.
6. Caiff y Cyngor Adnewyddu'r Economi ei gefnogi gan weithgor gydag aelodau o'r Cyngor llawn yn aelodau ohono. Y gweithgor hwn sy'n bwrw ymlaen gyda'r camau sydd angen eu cymryd yn sgil cyfarfodydd y Cyngor llawn. Mae gan Lywodraeth Cymru Grŵp Swyddogion Cynllun Busnes i gefnogi'r gwaith o weithredu'r Cynllun Busnes.

Adrannau Llywodraeth Cymru

7. Mae rôl y sector preifat yn amrywio o adran i adran, felly hefyd y berthynas rhwng yr adrannau hynny a'r sector preifat.
8. Mae gweithio gyda'r sector preifat yn rhan annatod o waith Adran yr Economi, Gwyddoniaeth a Thrafnidiaeth, naill ai drwy gontractwyr neu gyda busnesau'n uniongyrchol. Dyma rai enghreifftiau o sut y cysylltir gyda'r sector preifat yn Adran yr Economi, Gwyddoniaeth a Thrafnidiaeth:
 - Sefydlu deg panel cyngori dan arweiniad y sector preifat i roi cyngor uniongyrchol ac i lywio gwaith yr adran.
 - Mae miloedd o fusnesau yn cysylltu â'r adran dros y llinell gymorth. Hefyd, mae degau o filoedd yn ymweld â'n gwefan ac yn cysylltu â ni ar y cyfryngau

PAPUR I'R PWYLLGOR CRAFFU AR WAITH Y PRIF WEINIDOG AR Y BERTHYNAS RHWNG LLYWODRAETH CYMRU A'R SECTOR PREIFAT

cymdeithasol - mae hyn yn ein galluogi ni i weld beth sy'n digwydd a dilyn tueddiadau.

- Sefydlu nifer o Grwpiau Gorchwyl a Gorffen i gynghori ar faterion trafndiaeth, megis y Grŵp Gorchwyl a Gorffen Cludo Nwyddau a'r grŵp Gorchwyl a Gorffen Gweinidogol ar Drafnidiaeth yng Ngogledd Cymru a sefydlwyd yn ddiweddar. Mae cryn dipyn o gynrychiolaeth o'r sector preifat ar y grwpiau hyn.
 - Cydweithio'n agos â darparwyr trafndiaeth gyhoeddus, Trenau Arriva Cymru er enghraifft, sef y cwmni sydd â'r fasnachfaint rheilffyrdd ar gyfer Cymru a'r Gororau, masnachfaint a reolir gan Lywodraeth Cymru.
9. Mae perthynas yr Adran Iechyd a Gwasanaethau Cymdeithasol â'r sector preifat yn cynnwys gweithgarwch 'trafodol', megis caffael gan y GIG a chefnogaeth i weithgarwch treialon clinigol, yn ogystal ag ymgysylltu â'r diwydiant fel rhan o'r broses o ddatblygu polisi. Mae'r Adran Iechyd a Gwasanaethau Cymdeithasol a'r Sefydliad Cenedlaethol ar gyfer Ymchwil Gofal Cymdeithasol ac Iechyd (yr NISCHR) yn ymgysylltu â'r diwydiant drwy nifer o grwpiau sefydlog, gan gynnwys y Bwrdd Arferion Gorau ac Arloesi ym maes Iechyd a Lles; Ffrwd Gwaith y GIG, Gofal Cymdeithasol a Busnes (sy'n gysylltiedig â'r Bwrdd Arloesi); Grŵp Diwydiant Rhaglen Cydweithredu Academaidd ym maes Gwyddorau Iechyd yr NISCHR; a Phrosiect Cyfnewid Gwybodaeth Gwyddorau Byw Cymru.
10. Mae'r Adran Addysg a Sgiliau yn ymgysylltu'n agos â'r sector preifat ar bob agwedd bwysig ym maes polisi a chyflawni addysg a sgiliau. Mae hyn yn cynnwys:
- Bwrdd Cyflogaeth a Sgiliau Cymru, sy'n cael ei gadeirio gan Gomisiynydd Cymru i Gomisiwn y DU dros Gyflogaeth a Sgiliau ac sy'n fforwm annibynnol i gyflogwyr drafod ystod eang o bynciau'n ymwneud â sgiliau a chyflogaeth.
 - Ymgysylltu â grwpiau cynrychioli cyflogwyr, megis y CBI, Ffederasiwn Busnesau Bach, ITBS a Chynghorau Sgiliau Sector er mwyn cael sail o wybodaeth ar gyfer ein polisi cyflogaeth a sgiliau a'n gwaith yn y maes.
 - Cynnwys grwpiau cyflogwyr allweddol yn y gwaith o lunio'r strategaeth sgiliau, gan gynnwys ymgynghori'n uniongyrchol â Commerce Cymru, sy'n cynnwys y sefydliadau cynrychioli busnes allweddol yng Nghymru.
 - Gweithio mewn partneriaeth â chyflogwyr a darparwyr Dysgu Seiliedig ar Waith i sicrhau ein bod yn cyflawni o ran y sgiliau sydd eu hangen ar gyfer economi Cymru, mewn meysydd megis Prentisiaethau.
11. Mae ymgysylltu â'r sector preifat yn yr Adran Dyfodol Cynaliadwy yn cynnwys ystod eang o feysydd, gan gynnwys sectorau megis adeiladu, tai, gwastraff, ynni a bwyd. Yn ogystal, fel y sefydliad cyntaf o'i fath yn y Deyrnas Unedig, mae gan Cyfoeth Naturiol Cymru gymysgedd unigryw o gyfrifoldebau er mwyn annog rheolaeth gydgysylltiedig a rhagweithiol o'n cyfoeth naturiol - mae cynnal busnes â'r corff newydd hwn yn haws ac mae'n rhoi un pwynt cyswllt i fusnesau. Mae creu'r corff yn gyfle i edrych eto ar brosesau a lleihau dyblygu gwaith a

PAPUR I'R PWYLLGOR CRAFFU AR WAITH Y PRIF WEINIDOG AR Y BERTHYNAS RHWNG LLYWODRAETH CYMRU A'R SECTOR PREIFAT

biwrocratiaeth, gan symleiddio a gwella'r amgylchedd reoleiddio er budd busnes a'r economi.

Casgliad

12. Mae Llywodraeth Cymru wedi ymrwymo i ymgysylltu â'r sector preifat ar draws pob adran a thrwy amrywiaeth o ffyrdd, gan sicrhau bod ein blaenoriaethau a'n polisiau yn canolbwyntio ar gyflawni i Gymru.

Y Gwir Anrh. Carwyn Jones AC

Prif Weinidog Cymru